

岱

史

岱史第十六卷登覽志

大明

自國初至泰靖甲寅以前諸名公及文人履此志俱用原題官銜今據所及知者補正之

宋濂

學士金華人

登岱

岩峩泰嶽柱蒼穹萬壑千巖一徑

通象緯平臨青帝觀靈光長統碧霞宮凌晨霞慢

天瀝白子夜晴搖海日紅玉露金莖應咫尺舉頭

霄漢思偏雄

方孝儒

學士浙江人

夏月登岱

振衣千仞思悠悠泰岱于

今愜勝遊秦漢舊封懸碧落乾坤勝槩點浮漚海

明日觀三更曉風動天門九夏秋更上雲端頽極

目茶微光電閃吳鈞

曾茶

狀元江
西人

在平早行望岳我欲登泰山憑高望八

極浪跡十二年蹉跎竟難得今晨馬上忽見之屹
立東南半空碧想當洪濛時二氣相鬱蟠大塊戲
黃土莫能識其端圓靈降崕嶠坤后孕峰巒一朝
天地劃開闢但見千丈萬丈高巒峴乃知造化神
置此奠坤軸巨靈枕其巔六鰲戴其足愚公不能
移長房不能縮天工經營鬼斧鑿削出千數百峰
青立玉自從上古來南風吹不平日月出華彩星

宿揚光晶寒崖積冰雪陰起馳風霆雲霞林明晦
草木發精英上浮金銀氣下潛魑魅形巖巖魯所
曠作鎮朝百靈崑崙以為父四嶽以為兄匡廬裁
眉乃其子此外培塿皆雲仍齊魯青未了此語何
足憑其上萬里天亦借茲山青秦皇漢武巡遊遍
玉檢金函重封禪風雨莓苔往日碑烟雲松栢當
時殿由來五嶽秩三公况爾巨鎮山之宗鍾靈毓
秀香莫測磅礴下土專其雄我

皇御天生有聖德廣彰仁化誕布恩澤一舉平東南

再舉清漠北車駕時巡過泰山望祭壇陳玉帛
小臣幸此奉宸遊一見茲山愛山色雖無消塵禱
河嶽頗有詞氣填胸臆他年載筆頌神功刻畫志

山山上石

汪廣洋

丞相高郵人

過泰山偶賦

七十二神州淋漓雲氣

浮天低衆山小星拱一峯秋雲翳成龍虎嵐光薄

斗牛岱宗與恒嶽引領日東頭

李時勉

茶酒

巖巖亭送陳叅政歸山東岱宗磅礴不

可歸翠色橫秋幾千里峭石巉巖倚天外孤亭屹

立當山趾亭前芳草淺路歧古砌荒涼苔蘚滋幽
花拂檻無人採獨鳥時鳴聽者稀晨露浴日千峰
紫一杯遙見滄溟水升元觀裏曉鍾聞岱嶽祠前
白雲起聖賢大道誰不由乾坤闔闢同周流泰山
氣象難為喻誰遣名亭獨此留君去薇垣有閑日
隨處登臨訪遺跡想得凭闌一望餘懷古清吟興
何極

王儷登嶽齊魯名山仰岱宗峻嶒萬仞玉芙蓉月明
海曠連三島雲淨天空插數峰白石謾留名士篆

蒼松何用大夫封我來不盡登臨興更上卅嵯第

一重

吳節

祭酒安
或人

泰山雜詠

金科玉檢盛重泉鳳輦霓旌

散紫烟七十二君何處去空餘特表鎮山巔

右石
表

○海內詩書已盡焚只將貞石勒功勳青門黃犬

知何處尚有雕虫學篆文

右李斯
象碑

○十丈高崖剴

碧蒼前鐫功德後詞章浯溪亦有中興頌不及東

遊紀盛唐

右唐
崖碑

○絕頂方池若鏡空浮雲於此闕

靈蹤幾迴膚寸成霖去要與蒼生作歲豐

右雲
水池

○

曾與秦皇托
駕思最霄
聳空盤
厭可憐
二世空

塵土不及寒
松有子係

右大快松

○幾度天書降
空清

宋皇曾此駐
龍旌野花啼
鳥年年換
猶有人傳御

帳坪

右御帳坪

徐有貞

武功伯

登泰山
豈厭丹崖步
步迎眼前靈
景變

陰晴馬從萬
丈松邊駐
人在九重天
上行朝見白

雲山半起夜
看紅日海東
生還知戀
關心無遠

直比分明是
帝京

年富

尚書鳳陽人

禱雪
名尊五嶽
鎮山東至
聖惟司化育

功一炷信香期感召願垂三白兆年豐

李裕

按察司

登泰山歷遍群山夕照催恍疑身到紫

霄回漢秦封禪俱無迹唐宋碑銘半是苔紫氣當時疑御帳嵐光徹夜暎仙臺英靈豈獨為霖雨又與天朝產異材

周豪

女事

登泰山重巒疊嶂上摩空下瞰諸山復不

同泰華峰頭青齒萑仙人掌上玉芙蓉一凌絕頂知天近五夜滄溟見日紅赫赫霞君人敬仰無邊牲帛往來通

張盛恭政

初登泰山岱宗仰望鬱差我萬壑千巖氣

象多兩過春光橫翠黛烟迷曉色露青螺素王封
禪碑還在漢武祈靈事不磨今日我來登眺處蒼
天咫尺手堪摩

張文即中

大夫松風雨巖前駐六龍青松贏得大夫

封扶蘇謾有安秦策不及當時半日功

徐源主事

登岱宗岱嶽登觀絕頂來汶流雙曲抱徂

徠人隨箭括天門度馬別肩輿峴巖回封禪臺高
簪白石磨崖字古蝕蒼苔金輿玉輦誰重過惟見

秦王一土坯

喬縉

主事

登泰山東嶽巍巍步亦難籃輿載我上雲

端峰排日觀三千丈路繞天門十八盤高礙斗牛
登處近青分齊魯望中寬瓣香將敬元君廟願祝
皇圖萬億年

司馬聖

御史

登泰山

茲遊自負亦奇哉壑霧林霏指

顧開萬丈翠屏天上立一輪紅日望中來尼丘故
隴鍾靈氣秦漢豐碑沒古苔却憶君親在西北
五雲深處首重回

畢瑜

副使貴
漢人

明堂懷古
黍離詩自咏
東周翠輦無因

此地遊朝聘不聞來
束帛會盟惟識有
諸侯聖賢
述作光千古
王霸興亡付一丘
莫向高臺尋舊跡
斷碑殘磔不勝愁
○舍身崖東岳含靈
本好生此
崖元不是秦坑痴兒
獨昧謀身計
甘負人間不孝
名○無字碑
屹立峯巔類獨夫
祖龍為此欲何圖
東南王氣依然在
誰道亡秦不是胡

趙英

御史南
州人

登泰山次司馬韻
絕頂登臨眼欲昏
聲

高只恐上方聞
東瞻滄海襟千里
北望瑤京戴

五雲秦漢禮儀成故事石孫聲價重斯文
皇
曾不論封禪萬載令人頌放勳

夏寅

副使華亭人

泰山東方為岱衆山宗萬域人心仰止

同七十二君封禪後數千年事渺茫中鯤遊北海
雲長黑鷄驗中宵日已紅弱水蓬萊在何處群仙
初別大明宮

潘禎

提學

登泰山

大翼垂雲頂九萬天游今日殆忘

還千年誰更觀滄海老脚吾方到泰山兩過春巖
龍自戲松生太古鶴常閑題詩不盡孤高意起立

中峰看世案 神仙鶴背也超然
泰岳朝騎凌紫烟 山壓東溟盤大地
路橫北斗到青天 手中日月誰同美
象外風光我得先 一笑人間空萬古
太清聊倚興無邊

工弼員外郎

登泰山 下蟠滄海上 青天太古誰先探

此巔萬嶺蒙羞雲霧裡 九州分界戶庭前
道高孔子登時見 功陋秦皇禪後鑄
獨美當年李太白 生臨紅日觀雲煙

邵莊

主事

登泰山

好風吹我上層霄 四望茫洋景象致

鏡玉牒有文存故事古碑無字認前朝海東日出
中宵見山半雲生下界遠從此信知天下小擬追
宣聖思飄飄

黃景尚書

祠岱宗不果登覽有作幾代英君幾度封

穿雲也只恁般峰麓唐紀載聞經史典禮公明仰
祖宗天若有門人可到仙那無蹟客難逢乾坤自
是歸真主料得山靈笑祖龍

玉經金事

登泰山開闢乾坤峙此山有生何幸得躋

攀登高漸覺星辰近到此方驚宇宙寬突出孤峰

攀日月亘綿萬里發林巒追
五嶽東遊日
君臣共克艱

張岫 奉政

登泰山

鷄鳴海曙射

神宮石徑縈紆上

碧空回馬嶺前琪樹古水簾洞口野花紅松擎御
帳溶溶月鴈避天門獵獵風
盡日攀蘿登絕頂此
身疑在五雲中

潘楷

御史 溧陽人

登岳

天門天外迥佇覽萬山微峭壁從

空落烟霞繞座飛路通仙島
近心與世塵遠蹟有
徜徉與酣歌馬上歸

劉丙 御史

登泰山

凌空何事獨徘徊欲賦慚非宋玉

才歸路宛從天上下吟眸爭向霧中開磨崖字古
人難讀御帳臺空水自哀嘯我風霜長跋涉山靈
可許再重來

王守仁

尚書錄
姚人

登岳曉登泰山道行行入烟霏陽光

散巖壑秋容淡相輝雲梯掛青壁仰見蛛絲微長
風吹海色飄飄送天衣峰頂動笙樂青童兩相依
振衣將往從凌雲忽高飛揮手若相待丹霞閃餘
輝凡軀無健羽悵望不能歸○天門何崔嵬下有

青雲泐泐濟絕人世迥豁高天秋暝色從地起夜
宿天上接天鷲鳴半夜日出東海頭隱約蓬壺樹
縹緲扶桑洲浩歌落青冥遺響入滄流唐虞變楚
漢殘沒如風漚藐矣鶴山仙秦皇豈堪求金砂費
日月顏顏竟難留吾意在龐古冷然馭涼颺相期
廣成子太虛共遨遊枯槁向巖谷黃綺不足儔○
穹崖不可極飛步凌烟虹危泉瀉石道空影垂雲
松千峰互攢簇掩映青芙蓉高臺倚巉削傾側臨
空峒失足隨烟霧碎骨顛崖中下愚竟難曉摧折

紛相從吾方坐日觀披雲咲天風赤水問軒后蒼
梧呼重瞳隱隱落天語閭闔開玲瓏去去勿復道
濁世將焉窮○塵網苦羈縻富貴直靈草不如騎
白鹿東遊入蓬島朝登泰山望洪濤隔縹緲陽輝
出海雲來作天門曉遙見碧霞君翩翩起員嶠玉
女紫鸞笙雙吹入晴昊舉首望不及下拜風浩浩
擲我玉虛篇讀之殊未了傍有長眉翁一一能指
道從此煉金丹人間跡如掃○泰山高歐主誠楚
人但識廬山高廬山之高猶可計尋丈若夫泰山

仰視恍惚吾不知其尚在青天之下其色直出青
天上我欲做擬試作泰山高但恐丘垤之見未能
測識高大筆底難具伏扶輿磅礴元氣鍾突兀半
遮天地東南衡北恒西有華俯視偃僕誰雌雄人
寰茫昧乍隱見雷雨初解開鴻濛繡壁丹梯烟霏
靄靄海日初湧照耀蒼翠平麓遠抱滄海灣日觀
正與扶桑對聽濤聲之下瀉知百川之東會天門
石扇豁然中開幽崖邃谷聚積隱埋中有避世之
流龜潛雌伏養霞吸秀於其間往往恠謫多仙才

上有百丈之飛湍懸空結石穿雲而直下其源疑
自青天來巖頭膚寸出四隅霧湏臾滂沱遍九域古
來登封七十二主後來相效紛紛如雨玉檢金函
無不為只今埋沒知何許但見白雲猶復起封中
斷碑無字天外日日磨剛風飛塵過眼倏起忽飄
蕩豈復留其踪天空翠華遠落日辭千峰魯郊獲
麟岐陽會鳳明堂既毀闕宮興頌宣尼曳杖道遙
一去不復來幽泉嗚咽而含悲群巒拱揖如相送
俯仰宇宙千載相望隨山喬岳尚被其光峻極配

天無敢頡頏嗟予瞻眺門墻外何能彷彿窺室堂
也來攀附躡遺跡三千之下不知亦許再拜占未
行吁嗟手泰山之高其高不可極忽然回首此身
不覺已在東斗傍

張璿

都御史
晉州人

五松

岱岳中途笑祖龍帝無三世納降

從些頃恩澤還顛倒不在兒孫却在松

盧瓊

御史浮
梁人

秦松

大夫樹下無遺澤嗚咽泉頭常怨

聲尺土不封垂父子翻將恩典及無名

嗚咽泉在
歸德州秦

扶蘇
死所

陳琳

侍御 田人

同余侍御再登泰山次韻萬仞崗頭御

帳開秦松漢栢亦奇哉
酷憐古蹟陪僊侶
可是山靈許再來
○絕頂風高六月寒
危松怪石似龍盤
天門幾度來
驄馬御帳當年駕
翠巖碧藓封中尋
漢禪五雲深
慶諦秦觀東山莫漫濡
毫興霖雨蒼生望
謝安

查煥

山東布政司 泰政新 江海寧人

季秋望後一日同壽臬僚

友登岱山秦岱古曰臨
萬里看三齊秋色更漫漫
振衣

龍峪青雲濕倚劍天門白
日寒東帶黃河連海洋

北來紫氣繞長安自憐笑兀平生志恍忽乘風跨
紫鸞

秦金

尚書錫山人

登泰山

石磴紫紆

十八盤眼中風景渺

無端東瞻日觀蓬瀛近南指天門宇宙寬長嘯頓
醒塵世夢壯懷聊洗腐儒酸金書玉檢俱陳迹秦
漢遺碑莫謾看

柴奇

通政司崑山人

登岳朝出登封門

起拂衣上塵肩輿歷

噴岫清霜及茲晨極目日觀東海水浩無垠秦事
今已遠壇社空荆榛無景增嘆息群山自嶙峋

通貢

高書歷

登岳

岱宗山秀百靈屯壁立烟霄萬古

存幽府化機盤地軸上清真氣接天門
鸞標日觀青松麗春透龍池碧水溫
薄暮振衣峰頂石蓬萊東眺海雲昏
○北上天門日未斜剛風吹我度
崑崙仙人洞古留丹鼎王女祠高護
碧霞深澗千年猶凍雪陰崖四月始
桃花秦封漢禪俱牢落細讀穹碑感
歲華○王皇祠畔一凭闌絕頂風高
夏亦寒北去塵沙通瀚海西來天地
是長安青雲迥隔三千界白日平臨
十八盤似有飛仙度幽壑鳳笙

聲表珮珊珊○巖嶂崔嵬雲霧升泰山靈秀古今
稱百千萬地豈重有三十八年纔一登貝殿深春
來供客松崖落日下樵僧中天夕磬冷冷發知在
烟巒第幾層○御帳坪○白日天門近青山御帳空
亭虛從眺覽樹古自登封過鳥層空上鳴泉萬壑
中翠華春不返惆悵昔人踪○回馬嶺回馬嶺前
春日西澗花巖草鬱萋萋上方鍾落不知處惟見
白雲巖畔棲

喬宇

尚書太
原人

登岳五

岳誰爭長東皇萬物先晦明分

日月呼吸變雲烟
厚脉中盤地神功上配天
雲亭
開封禪千古竟茫然
○百靈朝拱處空籟聽琅敷
地据中原勝天臨下界
高雲山雙老眼江海一秋
毫欲訪蓬瀛去從誰借六
鰲

許遠

尚書

登岱

一上

青霄路幾重峻巖險壑亂如從

靖安齊魯真雄鎮
高壓蓬瀛有夫峯

王廷相

尚書儀封人

登岳

五岳俱神峻
峯堯泰岱偏半巖

回駿馬絕頂俯雲烟
一覽小天下三更見日懸
蓬萊疑咫尺直恐礙飛仙

趙鶴

提學場
州人

登岳

分明蒼秀拔雲開
誰鑿當年混沌

胎山歷星辰從下看海浮天地自東迴一時併狩

雍容禮千古崧高制作材
載說皇朝稱祀詔始知

神哲莫三才

自註云
代瀆加封號

○一上遥岑萬丈蒼天

風應為襲衣裳鷄鳴往往看東日
人語時時到下

方雲暗鍾聲連海樹春浮花氣入山堂
四時未歇

登遊興翻說崖禽喚客忙

查約

都御史
海寧人

秋暮登岱

龍峪危峰逼天門
古殿開月

華秋氣爽日觀海潮迴地向

皇都迥山迎曲阜來登臨何限意極目鳳凰臺○
過御帳坪宋皇臨御日此地數遊觀花下停雙葦
松間拜百官雲常依寶座月自照瑤壇寂寞仙橋
路惟餘古木看

許成名

侍郎東昌人

登岳曉踏雙峰萬里明嵐光雲氣散

高晴遙分東海連空碧俯訝群山與地平池有風
花搖玉珮橋留春草坐塵纓秦皇石上堪登嘯千
占令人感慨生

李東陽

大學士長沙人

望岳偶上奎文閣來觀泰岳峰半空

翻君浪平陸走蒼龍蒸愛浴嵐濕青憐發黛濃長
原隨迤邐高樹助蒙茸懂節迎還送戈矛擊更衝
烟霞變明晦雲雨驗豐凶混沌天初闢精靈地所
鍾分疆書禹貢肇域紀堯封挹淺臨滄海憑厓揖
華嵩行尊宜作丈名重合稱宗外歛神無迹中涵
德有容廟嚴王者象植古大夫松北闕身長繫東
郭境暫逢崖躋愁日觀谷嘯想風從 聖主齋心
切儒臣樂事懽饔飧慙驛廩與從憫官傭歲旱當
憂國民勞恐病農我方願一笏誰共手雙筇日月

底龍誰言天下小，此外文王封。俯首無齊魯，東
瞻海似杯。斗然一峰上，不信萬山開。抱扶棄羅
天橫碣石來，君看泰始後，仍有漢王臺。○仰五岳
歌之一 我所仰兮在泰山，側身東望阻齊關。南有
龜蒙東蕭然，仙人贈我綠瓊巒。招我累遊扶桑間，
我欲從之途路艱。東望河濟涕潺湲。

馬汝驥

侍御人

送太華石焦峰東祀

三微開歲紀百

禮洽時禋帝，啓玄符。曾天頒翠節，辰使星搖壁府。
卿月照天津，道出齊封舊。書求魯殿新，尼丘迴香

露岱岳對嶙峋碑刻莽莽秦碑宋鑿代舜巡金泥和
五色玉檢閱千春嶺陟青鸞繞來臨白鶴馴望洋
分島與觀日浮烟塵德已精靈契形須夢寐親懷
歸歌大雅屬望輔洪鈞擬獻嵩高曲抽宅愧不神

肩相

金事松

登岳

充鎮標袖異東方歷岱宗歲是

八極玄女降三宮雲氣成雙闕炎精生赤虹千古

暮漢拓古道晉秦松金蔭招靈秋芝房照碧叢唐

碑著紀層漢勒幾登封入嶺天門時停驂御帳空

丹霞迤紫蓋孤嶂削八

二十卷

重蜃樓明日觀聖水樹蓮峰春址盤香火裡壇納
化工乘時揮玉策周覽極巖崱

葉份

提學發源人



岱山長群岳巨鎮標東維岩崱

臨渤海截孽控河沂靈區迴洞府福地啟崇祠石
間何曉靄瑤芬闕蕤蕤虞巡柴望湮周狩明堂隳
選哉七十君版牒空名垂秦皇無靈氛漢武非仙
才封松鬱中坂植栢滿南陲我來值春月疊嶂開
雲羅天門步寥廓盤道歷逶迤款謁碧霞君寒漱
玉女池況吟挹玉簡摩挲向崖碑雲卧通象緯神

遊駕蚪螭朝登日觀峰日出扶桑枝呼吸變烟霧
下界行風雷俯視渺茫氣焉能辯瀛裊遙思騎黃
鶴圓方隨所之

王裕

提學

碑表

柴望當年告治平誰知風起鮑魚腥

惟有石表依然在蔓草寒烟夕照明

張鯤

副使鈞州人

鑿

道假三齊出形真五岳先瑤壇雲

樹采貝闕露花寒狩典開虞日封碑見漢年登臨
重回首紫氣帝鄉徧○暝色迴吳楚靈光集鬼神
殿虛雲霧出門側斗牛隣笙鶴來還去仙芝秋纓

春齋宮夜不寐吾意欲備具

張邦教

金事那
郡人

泰山咏

震維生長地歷代表殊殊

禮勤終歲祈求遍九州勢雄神鬼宅迹勝鳳麟遊

八境通喬岳香雲爛欲流

右至泰
安州

○天王出狩時

玉帛萬邦隨柴望遵虞制恩威協禹規齊君終罷

毀季旅竟奚為千載存遺址青陽在指麾

右月
明

千仞排巒嶠生疑鳥雀愁蒼茫橫古道縹緲接飛

樓月宵風塵夕猿清草樹秋明時苛政絕行坐仰

尼丘

右巖巖亭夫子
聞婦入天處

鄭善夫

即中興縣人

登岳

東岳乾坤定黃河一縷分

瀛海浪天入薊門雲霄道傷吾志秦碑自夕曛未

堪疏遠目萬里正稜氛

方豪

副使開化人

登岳

三月無風上泰山巖花谷鳥共

桓因憐鄭老看山癖赤日烟蘿帶病攀

自註云吾友鄭維之

曾以六月來登○日觀峯頭紫霧開嗒然回首望蓬萊野

人自是烟霞骨應有神仙月下來

揚祐

金寧錢塘人

登岳

茲山何峻極盤礴亘百里鳥道五

丁開雲標三觀起雪礪無冬春煙嵐互蒼紫暹暹

星戶外入雙青天裏陽枝踞日華陰谷飛霞綺仙
靈此窟宅幽異詎能紀○泰山屹孽與天通七十
二峯元氣中下施雲雨澤后土上貫星宿搖紫宮
懸崖古栢落空翠架壑危松度遠虹我來憑高俯
滄海夜坐觀日扶桑東○殊方此日逢重九絕岳
高吹散遠愁漢時秦封空往事紫萸黃菊自添秋
天清樓閣明三觀野曠山河辯九州獨是懷親憂
國意白雲滄海共悠悠○岱宗秋卧夜床清萬籟
無聲片月明何事仙人騎白鹿碧霞洞口謾吹笙

○日觀秦峰霞作標扶桑夜見海門潮樓船方士
何年到玉檢金書久寂寥

東沂

參政事
波人

登岳飛軒臨絕頂懸磴更蒼苔
松

風接天空海霧消琳宮環紫柱玉節下青霄
路指天門外來迎空磬遙
一入登封路乾坤自此分
諸峯會元氣亂石散星文仰
白攀青磴回頭看白雲飛梁架窮壑鳴溜四山聞

朱節

御史山
陰人

登岳塵途日擾擾
愛寐惟雲山
茲晨天

風涼層雲護
仙關我欲往
扣之驅車出人寰
登天

踰絕壁身在煙霞間
澗底環珮聲輕風送
潺湲群峰手可挹
儼若趨仙班大觀
盪塵襟敢辭登陟難
故山猿鶴在俗駕
何時還

胡纘宗

齊御史
陝西人

望岳

忽聽笙歌玄鶴群
即看樓殿紫

霞文丰遠細露
邀新月鳥外孤
峯挂夕曛漢帝
金壇歌石碣秦
皇玉刻隱苔紋
騎龍李白今何
處日觀天門空
白雲○脩脩望
岳卅霄上颯颯
乘風紫極邊半
壁秦松懸日月
當空周觀出雲
烟峯期太華翻
躡起影落扶桑
杲宛鸞更度三
溪見雙鶴忽

從青帝接群仙。○山下秋日正皜皜。山上秋雨還
冥冥。夜來巖畔挂星斗。曉起澗底與雷霆。陰陽變
幻候。忽異天地間。闔蒼茫。靈何當結廬向山住。朝
朝吟對芙蓉青。○**登岳**春半看山山已青。振衣先
到五松亭。曉分日月懸蒼壁。晴列蛟龍擁翠屏。天
啓重門馮北斗。雲擎三觀照東溟。秦皇宋主自行
怪絕巖窮崖。空斷銘。○帝闕紅雲蓋仙壇。白日光
千疊。駕到頂一曲笑臨堂。倚欄盡秦越磨崖空漢
唐。恍然坐天上。神思欲飛揚。○海天初縱目

思悠悠大華彈丸出扶桑勺水浮秦松雲不斷宋
簡玉空留落日猶回首黃河窈窕流○懸崖隨鳥
出絕頂畧雲躋俯仰乾坤小憑陟星斗低日峯紅
照海玉觀碧冲霓子夜援琴坐天宮動曉鷄○諸
峯羅宇下一柱立窠東石表千叢集天門百折通
元宵山有月落日袖無風孤峭不能寢海雲中夜
紅○突兀青天上翩躚碧海邊風高鰲欲動雲落
鳳初騫歷歷盡齊魯層層入象躔流霞傳素手醉
倚五龍眠

楊志學

尚書長
少人

次胡可泉望岳絳霄迥出天門上飛

瀑高懸日觀邊星斗垂垂臨絕巘
蓬瀛渺渺隔蒼烟雙龍噴沫千巖動
孤鶴凌風萬里騫我亦平生愛丘壑
欲從此地學神仙○天上仙人自不群
龍書曩曩太玄文秦皇臺上雨初霽
漢帝壇西日未曛鬱鬱古松停鶴馭
巖巖峭壁繡苔紋羽童兩兩垂青髻
曉起山頭禮白雲○登岳肅容瞻岱岳
直上最高峯倏忽雲千變蜿蜒山萬重
秦碑金字刻漢檢紫泥封勝跡今銷歇
巖花日日濃○遊竹林

寺西天復此門山半一泉温雲壑時時動麓乘日
日翻飛揚李白句傾倒乳融尊歸路夕陽好涼風
吹廣原

李學詩

編脩平
度州人

登封壇

燔柴想象明堂禮沉璧荒蕪

日觀峰壇出白雲猶漢瑞亭盤翠蓋豈秦松蕪冲
曠見劉光武聽納何如唐太宗當宁聖明蕪舜禹
夔龍自不厭東封○快活三人情輕便易世路重
艱難不走嶮巖路誰知快活三○大夫松四海蒼
生憔悴盡五株松樹獨封官仁民愛物春顛倒何

惟當年共揭竿

楊維聰

狀元固安人

登封臺

封禪當年後數君升中曾此

事彌文金泥闕久明裡玉石檢樓餘清畫雲紫氣
漫傳宮闕現白毫爭見老翁耘二儀高厚如何報
遙望長安空夕照

王誼

立事

登岳

開闢此巖秀形滅吾道尊冥中迴日

月象外自乾坤恩谷通齊路靈光辯魯門浮生正
漂泊擬欲叫天問○天地還高下河山自鬱盤播
朱虞符典沉壁漢封壇吐納風雲氣虛無殿閣寒

斜陽下深澗，翹首望長安。○無字碑，岱岳峰頭無
字碑，相傳人說是秦時東遊鳳輦空，寥落野草野
花春自悲。

蔣瑜

御史

登岳夜到碧霞天，芝房帶月眠。聽經來白

鶴燒藥起丹煙，廣樂雲中度。明星鍾外懸，乘風欲
飄舉。三島會群仙。

張鐸

御史蘇州人

登岳曲坂縈迴翠，蘚滋瓊宮具宇碧。參

差長天斜倚峰，紋坼寒日遙。隨岳影移香火，何年
傳漢時。夙雲終古護秦碑，却驚身在層霄上絕頂。

翻憐鴈度遲。○望岳秦岳東來鎮古丘。遙從雲際
俯芳洲。寒沙夕抱璇臺迥，積雪春融碧樹浮。悵望
雲塵搔短髮，淒涼物候動鄉愁。銀宮玉宇參差見，
縹緲重登海上樓。

邵經濟

知府仁和人

登岳

步屨日觀峰，頭日剛午睇彼

東海東矯矯，扶桑樹扶桑。晞朝瞰陽鳥，濯靈羽乾
極。歛昕春離光，奄員宇普照。茲大觀恒矚，匪玆睹
虞淵一揚休。子夜信探取，藉穎餐明霞。攬吟吸玄

圃

劉洪神史

登岳

吾昔遊岱宗，蹋雲四十里。渤海入覽

明日親下界，起步虛摩赤霄。回首極西碧，松下逢羽人。僊顏欣彼美，遺我千歲苓。食之可不死，松古尚秦封。風雨歷年紀，金篋玉策存。誰探得生齒，登茲小天下。因風憶行趾。

廖道南

學士浦所入

望岳

岱宗高龍從，群峰凌紫宮。日觀

影扶桑，月嶂烟朦朧。飛泉走其下，宛然雙白龍。上有玉女池，銀河瀉長虹。玉女散天花，萬朵青芙蓉。仙人王子喬，絳節朝上宮。遺我金檢書，期我遙相

使我欲從之游雲路險且重何當謝塵鞅晞髮成

池東○咸池有僊國乃在帝座旁紫虛懸玉榜絳

闕輝琳瑯曲瓊掛綺疏掩霧搃星潢祥烟裊叢林

歲垂花樹香安期與韓衆雙騎丹鳳凰采采金光

草和彼紫霞漿朝翻天門關夕息帝女柔俯視濁

世士奔走駒隙光頷言交飛濤遶遶東海洋○味

日觀元化無停機陽明自周始緘緘殘月沒炯炯

曙星起宿霧沉江干朝霞覆壇時羊脾徵東夷焉

首占內史乾象涵真精人文煥新美扶英散歲華

若華紛旖旎河伯乘之鯨山祗駕蒼兕潭影驚蛟
鳴林光寵蘭芷重輪美彤愛疊玦瞻黃珥豈菲靡
所宜離烜乃其理赤手扶羲輪丹心貫天紀願為
雙飛虬乘雲駕千仞

王寵

吳郡人

登岱

五嶽視侯秩無如東岱尊六龍開

御道三峰挿天門舉手蓬萊近盪胸齊魯吞安期
煉玉處惟見五雲屯

陳鳳梧

都御史廬陵人

登岳

剛風吹上最高層寒氣稜稜骨

亦清雲起半空方作兩天臨絕頂忽開晴松濤坐

聽千巖響奎壁行看五夜明自信茲遊真不偶飄

飄雙袖羽翰輕

曾銑

都御史揚州人

登岳

石壁連雲紫翠重天工刻出玉芙蓉

泉流不斷千峰雪嶺道常無萬丈紅岱岳有靈
昌國祚臺臣何補願年豐登臨自覺塵襟脫九點
齊烟一覽中

秦經

尚書候官人

登岳

石磴縈迴十八盤天風吹雪晝生

寒蒼苔半蝕磨崖字碧草斜侵封禪壇日觀俯臨
青海上蓮峰高逼白雲端危亭一覽河山壯便欲

抽毫頌治安。○五松亭嶺畔行宮御帳開。翠華金
輦此曾來。五松自擬流恩澤。二世誰知並草萊。惟
有白雲閑聚散。祇留青嶂尚崔嵬。雄圖索寞空凋
悵。古木鳴禽聲正哀。

岳倫

主事宣
府人

登岳千盤泰山頂。盤盤度流雲。越觀迥

吳會秦觀羅星文。鍾聲散虛谷。松栢留久燠。蓬萊
近可望。紫氣接氤氳。

聶靜

給事中

登岳絕岳孤城外。山行聽曉鍾。空崖留

漢碣古道列秦松。石磴銀河轉。瑤臺瑞靄重。未須

愁落日猶上最高峯

周玘揚志學胡績宗聯句

周給事中
應城人

泰山行臺一天

涼雨四庭清

五華

庭樹山風動曉晴

石崖

秦岱十

巖月欲上徂徠萬壑松初鳴

可泉

歌憐白苧花信

嫋舞愛霓裳竹下輕

五華

長晝踈蕪淹客坐紫蕭

玄鶴下瑤京

石崖

○斜風細雨坐槐庭疊嶂層巒

尸不倚可泉

花下壺觴催畫鼓燈前歌舞啓雲屏

五華

中丞天馬來西極司寇秋鵬起比溟

石崖却

羨金閨香案吏五雲瑣闥望中青

可泉

○涼日清

尊寫素心金風綠樹動高吟石崖疎簾縹緲過青
鳥古殿輝煌映碧岑五華堂座秦峰晴靄靄隔溪
漢栢鬱森森同袍不厭同音賞可泉萬里雲霄羨
盍簪五華

胡經

少時廬陵人

登岳乾坤開此土東岱崢嶸濛已訐三

台近真堪四岳宗霽天雲漠漠旭日海融融萬象
清塵想飄然一寄蹤

張袞

祭酒

舍身崖舍身岬岬深萬丈真橋階人間

兒女痴且愚徃徃投堯生前骸父母提携豈不愛

忍心割置三年懷白日羽翰既芥林四方綠葉空
爾乖哀愚勒石方思道尊俗迴聰知有教民晏天
理本自然胡不為臣死忠子死孝○登日觀峰日
觀臨雲表扶桑暎影初山川留勝迹感慨獨愁子
玉笈秦王秘金箱漢武書百年封禪地功德欲何

如

潘墳

都御史
淮安人

登岳蕩蕩資生德悠悠報本心風雲通

眇望日月快登臨顯氣浮宸極靈氣下石林翩翩
雙鶴駕飛上碧雲岑

潘珍雙源人

重門萬仞倚天開直

上平虛亦快哉雲隔塵寰看不見出門一笑下天來

蕭珍

金事江
西人

鬱鬱崕上松愛護自神理虬軫駕

天門翠蓋無暑兩揚志玄冥端那復羨金紫顧蒙大夫號千古負深耻

胡仲

五松

五松矗矗凌霄漢千載猶蒙秦帝恩草木

喜瞻龍馭過儒生翻自抱深冤

龍瑄

江東人

秦

二世空為萬國圖咸陽宮闕已荒

燕當年駐蹕東封處惟見蒼髯五大夫

白世卿

金事陝西人

題詩

着屐登高地詩人得共遊五更

常見日三伏早生秋雨向山腰起泉當石眼流岳
靈通變化萬里走神州

姚奎

木侯玉常熟人

題詩

曉天紅日放高晴小坐山與

踏靈行凍樹曇花春有迹寒溪結玉水無聲煙銷
絕頂群峰露風度虛巖萬籟生老衲雲深知我過
數聲清磬出松迎○

題詩

黑龍潭中蛇身出霜

鱗剝落腥雲濕慘慘長髯十兩針挺挺直骨三千

尺神靈呵護元氣鍾驅霆戰雨搖蒼空至剛必斷操
振今古濫爵肯受秦王封波濤湍地陰風起萬鏖
颼颼成律呂材堪柱國苦弗試蕭然遺棄空山裏
青青顏色無秋冬吞冰吐雪經磨礪工師一日如
相逢終當獻入蓬萊宮○蒙恬大將扶蘇子萬里
策勲封不與却將官爵授五松祖龍顛倒乃如此
咸陽一火二世亡五松留得摩穹蒼直宗六龍昔
巡幸亦名御帳揚休光倚歟松兮遇知已傷哉處
世多奇士負才抗節竟沉淪不及寒松反多矣我

來幾度坐清影綠陰滿地蒼烟冷撫摩長顏發衰
歌空山落日愁柰何

章忱

太僕丞
會稽人

登岳

瞻彼岱岳尊屹屹奠九州空光碧

天合倒景黃河流朋從肆登陟振珮凌清秋仰視
九霄曠俯覽八極周宣尼有遗迹悵望心悠悠

張鵬

御史
陽人

登岳

斜陽俯淹岷登臨日未

了徘徊遍諸峰吟賞遶昏曉仙巖訪芝童高舉逐
飛鳥勝遊難再來紅顏非少小

周瑯

登岳

回薄千峰簇透

萬壑連靈圖

標地紀雄

勝控封疆露浥三芝秀光凝八石鮮迎書悲末事
封樹憶秦年冒險探遺跡捫崖讀古鐫時巡方曠
絕登禪幾相沿檻俯飛虹落簷舍倒景偏奇觀大
無限便擬謁真仙

鄭大同

太僕卿

登泰山

五嶽此為勝萬年靈足徵慶

魂吾久到道岸聖先登齊魯空千里星辰僅一層
皇朝崇大禮漢時不湏稱

楊撫

知府餘
婦人

登泰山

名山天下有得似岱宗無深谷

函星斗中天啓畫圖幾迴十氣象一覽盡寰區道

訪虞周事樵人笑我迂

梅守德

提學副使
宣城人

登岱嶽

喬嶽平生勞夢想失門今

日遂攀躋層巒迫出青霄上曲逕回看白日低雲
氣東連蓬海外煙光西與太華齊却慚作賦非能
事盡日淹留思欲迷○曉氣氤氳開洞府巖光噴
薄出雲根參差緝宇臨丹壑紫翠煙蘿挂石門滄
海波濤浮日月朝昏風雨別乾坤行行漸覺塵寰
小五嶽應唯此獨尊○玉皇巔上倚危闌萬頃烟
霞入壯觀仙樂似聞霓羽奏天風時拂斗牛寒九

霄雲護泰壇古千載百封漢碣殘歲莫登臨多感
慨不堪回首望長安

寶明

蔗使

登岳

登登泰岳山乾坤睇只尺扶屨隨雲

雷星斗礙冠情一顧塵氛消清風生兩腋再顧心
神舒川源滿肝膈更眼堂倚空歇馬殿射碧穹穹
南天門兀兀舍身石山輿下高樹鼓吹導前戟昏
黑抵絕巘神祠擎天眷光靈怖此心奚翅仰烜赫
歡饗集萬方山海貯金帛一榻枕山阿松泉和露
華夜半東決背海底訝日赤

許應元

塘人使錢

岱宗岱宗蕭蕭標東紀絕頂虛傳不

死庭碑憶漢封三觀迴樹留秦岱五松青陽池日

洛深能見陰洞雲流乍可聽此日風煙聊振袂休

將峴首嘆沉冥○岱宗夫何如岩堯出雲表登茲

俯蒙繹吾欲觀魯道闕里窈且崇昔人已陳草尚

想吳門喻今知天下小○同蔡行人登高里環翠

亭杳騎育林駐登臺翠甸新雲山存吏隱詞藻待

玉人花日初停午蘭標欲鹿春憐君竹溪興堯父

對清真○**重過素山**山城晉試吏十載更登危

聖心期在年光鬢髮衰物情耶對酒習性尚耽詩
肯是一犁叟夫難侶肯時○泰山別諸門人朝出
乾封門言汝泮河水朱陽麗初暉征雲一何駛顧
瞻緬夙昔風景復相似魯山猶在望吾行自茲始
范瑟編所歷
城人登岳雲河漠漠棲巖畔風影泠泠十八
盤玉女泉飛山亦潤芙蓉峰絕暑猶寒百年塵世
三春臺萬里乾坤一咲看暮倚石闌星斗近不知
身在白雲端

馬驎

知州陝西人

登岳

峻嶒泰岳回天地此日登臨慷慨

長萬壑風聲喧草木滿山雲氣濕衣裳秦封漢峙
形盤踞魯甸齊丘勢渺茫一逕漸通天上界欲從
何處問青皇

黃者曾

英人

懷岱齊魯開東岱遙空青未休長安元帶

眼吳會舊含眸去待山鷄報孤看海日流稷丘君
若在吾得擁琴遊

秦汝楠

侍郎德清人

同許泰安登嵩皇環翠亭嵩里亭元

勝風花春載柔還陪仙吏躅但付共白雲遊仗劍蓮
華淨傳杯竹葉浮如何葛洪乞星座俯芝丘○秦

山書院古栢影接馨香近
盤空翠嶺清空中白雲
翰海上古龍精小憇依春翠
而接憶鳳鳴晚來雲
稍起神動岳崢嶸

高誨

通判合
肥人

登岳

翠削芙蓉萬朵開
瑞烟繚繞護靈仙

臺瑤池宴罷金虬去
明月屏空紫鳳來
兩霧歸雲樓樹杪
夜深出日見蓬萊
向時未到天門上
尤慕齊州祗浪猜
○踏碎芙蓉萬壑秋
無端造物與心游
斗聯西北天樞近
海坼東南地軸浮
涼影月窺雲外榻
寒聲風滿鴈邊樓
胸中塵土都消却
一

清泉不斷流。石梯萬折凌大表。層疊峰巒青未
了。曉巖飛瀑半空落。冷澌冰花結林杪。南天回首
眼界闊。烟霧沉沉寰宇小。興高漸覺風生腋。岳頂
迴旋看秦石。俯甞日觀望蓬萊。曉浴金烏海波赤。
舉頭西北神京在。五色晴雲時變黓。青天可捫星
可摘。沆瀣淋漓濕東壁。欲呼玉帝呈琅玕。山高風
露羅衣寒。渺渺天空下。笙鶴平收宇宙胸。中寬桃
花峪口路深遠。怪石嶙峋懸若墜。五松蓄漢吐蒼
烟。欲訪仙人在何處。金泥玉檢埋秋草。七十二

斷遺藁寒鴉啼上野棠枝涼月娟娟山石老

李嗣然

即中

舍身崖舍身崖下深難測每怪輕生世

上人我亦有身偏自重舍時除是為君親

成周

註事無錄人

登岳崖魏秦岳首樞宗碑觀乾坤一額

空吞吐煙雲迷下界盪摩日月涼高峯秦碑無字
名空在唐刻磨崖籙自封逐客窮攀傷往事不勝

癯骨受剛風

周津

御史憲
谿人

明堂成周天下八百年東巡朝會明堂

前遺址依然孟軻力到今登眺留真傳

鄭芸

御史

登岳

未了紅塵事，聊辭白玉關。披雲從月

關，跨鶴下人間。世味淡如水，夢魂多在山。留連戀
龍峪，何日再躋攀。

湯紹恩

登岳

曉霽天門放，遠暉岱靈有。約幸無違山，

雲擁道迎仙。蓋海日開嵐，上繡衣。萬里輿圖收，泰
時九霄象緯拱，神扉追思千古。登封蹟，暮靄荒臺
掩翠微。

傅鎮

御史

登泰

山。泰殿倚秋山，高開紫翠間。星輶迎

日下，仙掌躡雲攀。巖立天低宇，晴披耀照寰。省方

漸受簡恭代禮神還

李綸金事

登絕頂

雨霽登臨興轉生，群山數點發新

青風迴華表，搖空漢日擁瑤宮。遍太真，輯瑞尚存
虞舜澤，傳燈獨有魯宣經。乾坤俯仰知何際，萬里
浮槎一使星。

王廷翰

行人涇縣人

登岳

泰岳逼中天，登臨萬象懸。臺觀

滄海日，殿拂紫微烟。山水名誰並，乾坤勝獨專。岩
覺何可極，搥筆白雲連。○絕頂試登攀，風烟縹緲
間。舜巡留杜稷，禹鑿舊河山。月宇天門道，芝房青

海濤英靈窮八極此地隔塵寰

劉壽

尚書直隸滄州人

二月登山阻雪

過眼鶯花春未殘

再隨駃馬步山磬雲浮碧殿爐烟細雪滿蒼崖樹
色寒秦嶺應憐行路險漢宮疑似降仙難日觀峰
上瞻東海空憶飛霞駕彩鸞

王汝孝

編脩東平人

登泰山

仗曉步層峰吟眸望轉懸

崖啣日斷石磴拂雲龕齊魯千年秀乾坤一指中
禪封昔此地登眺意無窮

郭盛

洪洞人

登泰山

峰巒壁立翠雲屯太極初分此

巖存壽壽古松蟠御帳層層石磴接天門山桃野
杏花爭發曲澗方泉水正溫秦漢登封遺往蹟歸
來天色欲黃昏

經彥宋

寺副全
州人

登岳

岱宗積翠壽峯堯春日登臨上

碧霄耳畔側聞天語近峰頭平對玉宸朝漫憐美
玉驂驚鳳會見乘槎犯斗杓安得憑虛凌八極盡
將良瘼達神堯

仲言永

知州寶
應人

登岳

層巖高閣敞晴暉十載重臨夢

不違玉女獻花開雪醜仙翁留訣進霞衣青霄此

日瞻三象碧巖何年築一扉遊賞方殷烟月上風
林遙送暮鐘微○**正皇閣**危閣倚層霄山河入望
二遙天橫開塞馬日抱海門潮霧露開朱旆雲霞展
碧蕭自然幽賞契不用社僧招

林應麟

唐同知
偃居人

遊石屋仙郎雅興好幽尋共訪仙閣

入碧林繡壁忽開丹地穴靈泉疑泄洞天深上步
雲磴空中轉下界烟花望裡陰媿我支離久漂滯
始從塵世識初心

浦應麟

編修
無

遊岱嶽秀色千峰合靈源萬嶺湧

疆開曠野禹服奠高山星漢當頭近煙雲滿目
悠然小天下遺跡若為攀

杜泰

進士長
清人

登岳窺海雄蟠獨此山金莖瑶草秘封

壇崑崙西望烟雲渺滄海東連宇宙寬

谷繼宗

進士歷
城人

元日登泰山南麓試筆仙壇酌酒新

誰於草莽識詞臣南山先祝千年壽北斗長瞻萬
里春雪抱翠屏鷹自化雲披丹壑鹿多馴王喬終
作吹笙侶不敢乘鸞謁紫宸

劉爾牧

進士東
平人

登岳青帝真源迥霞芬鬱律齊各風

大海樹晴日 危山竄金闕 雲邊出玉繩 象外低誰
言坤極小 禹貢盡雕題

陶欽

阜御史彭澤入

登泰山南州秀色結衡廬 泰岳孤雄

更不虛 此日仙靈來 劍珮中天樓 觀下庭除青霞
獨擁秦松嶂 絳節雙懸玉帝居 石室祗今迷住路
侍臣何地訪丹書 〇 遙遙仙使伴 村巷處處天風
灑 石涼澗底 悠無黃犢飲峰頭 長有白雲封誰憐
詞客歌春樹 慢聽山僧散午鍾 飯對胡麻聊自餉
轉來瑤草定相逢

袁象

提學
蘇州人食事

夢遊泰山歌我聞泰岱五嶽之所宗

巍乎高哉迭起摩蒼穹天門日月相避隱勢壓九
服何其繼扶桑碣石眇在下安論鳧繹連龜蒙宵
夢憑陵騎六龍足躡列缺驅冷風捫參歷井上日
觀飄飄直謁元君宮白榆赤桂夾御道中有顏如
桃花膚瑩玉雪綠髮皓齒十五雙金童手持靈訣
授我讀科斗竒字殊難通凡胎俗骨不可換覺來
相失滄溟東朝逢海上青鳥使邀我遠遊登岱宗
開緘長跪讀數過星文雲篆恍與夢寐同尚平婚

嫁未畢累長卿卧病還書空何當白日生羽翼飛
上泰岱絕頂第一之高峰

查秉直

即中海寧人

夏月雨霽登岱

朱明過雨靜嵐氣微

色霏微共夕曛倚杖坐看林下潤披衣猶拂洞中
雲獅峰瀑布當空瀉龍峪泉聲夾岸聞謾說新晴
供晚眺九農應是盡欣欣

唐禹

按察使海寧人

登岱

玉檢藏丹室瑤臺挿上方攀崖入

龍峪穿徑繞羊腸石險形疑墜泉流勢欲翔采明
登月觀彷彿見扶桑

徐紳

御史建德人

登泰山

曾聞天上玉皇宮
絳節星壇向

此途半夜日光樅
海色四時香霧捲
天風金函玉檢通
群帝五嶽三山第一峰
回首下方城郭在不
知雲壑幾重重

吳遵

御史海軍人

登岳秦嶽峻嶒倚
碧霄陰厓白晝自風

濤西懸鳥道天門迥
東指扶桑日觀高
秦樹尚依清蹕路
漢壇虛拱玉宸朝
長安此去應千里
北斗城深睥睨勞

吳伯朋

尚書義烏人

登岳秦岳由來一洞天
振衣清曉上

危顛千年齊魯登臨外
萬里江河咫尺間
漢時秦封餘蔓草
蒼松翠栢自雲烟
凌空酒有飛揚意
漫酌流霞換謫仙
○又次吳初泉韻
蓬玄峭壁挿丹霄
龍口飛泉噴白濤
天入扶桑滄海澗
地臨汶濟碧霞高
纔登越觀思鄉國
又恋長安望帝朝
滿眼乾坤俱甲馬
不堪南北正疲勞
○絕巖渾疑在絳霄
潏潏流水帶松濤
千巖兩過天光淨
三觀風寒日色高
讀盡碑崖憐異代
書無封禪感清朝
春山啼鳥斜陽外
歸路崎嶇未覺勞

方正脩

主事
昌城人

登岳岳麓俯凝桃幻宇盡塵埃

羨門子層霄瞰九垓。陶侃夢八翼則身飛雲門。碧霞差亦近稽首問天孫。日月

大荒最高峰頂上端拱坐於皇

沈應龍

都御史
烏程人

登泰山五嶽岱稱宗雄峙齊魯界屹

然障東維中原地氣會殊方傾仰止有懷。茫昧

秉鉞酬夙期巡歷振行旆明裡陟危巔精神原夙

戒有禱應即隨神功信廣大亢膜降時雨彤雲布

靄靄河淤餉道湮甘泉發清瀨祇承。天子命寔

惟神攸賴禮成撫清景六合真可隘山空絕塵
悠然聞天籟飛倦招我遊乘鸞忽長邁授我叅玄
訣殮霞吸沆瀣日觀俯滄瀛紅光吐輪蓋吳越望
中迷黃河曲如帶臨風拾瑤芝坐石吟松檜秦封
與漢峙殘碑荒草外弔古復憂時撫膺增感慨北
甯猶陸梁倭夷又顛沛稽首問祕靈何如獲康泰
曾鈞都御史
鍾陵人泰山紀遊名山東峙獨崔嵬千丈靈光
接上台金削芙蓉迎日出玉為樓閣倚天開鑪煙
風暖浮秦樹石檢年深鎖漢臺一覽乾坤空萬劫

一落霞飛彩人吟杯

雍焯

御史臨
洮人

登泰山

千里齊城仰岱宗青山盤礴秀

穹崇峰高日觀瞰滄海岳擅天齊巨域中百代登
封傳盛事萬方香火戴玄功清朝一覽靈巖上雲
淨風消曠宇空○從來聞說此山高一上崔嵬眼
界豪龍峪顧瞻出萬仞天門咫尺摩層霄升中有
表傳秦漢柴望無人頌妙陶覽佇諸峰睇空廓雲
霞茫渺海天遙

何廷鈺

御史邵
武人

登岳

萬仞驚看絕巘高一人登此百

人勞宿願已醺民力竭賞心贏得一揮毫○探奇
此地步丹梯酌罷閑看處處題獨憶宣尼登眺後
無言悟教古今誰

馬三才

御史仁和人

登岳

層巒萬仞開新霽乘暇登臨逸

興徧山出雲重飛鳥外林深春盡落花前天門迢
迢丹霄路海日蒼茫碧樹煙十二齊疆何處覓麥
苗盈隴水盈川○覽勝春遊萬里來僊宮縹緲入
雲隈秦松披拂仍餘蔭漢帝登封空故臺石壁有
輝騷客賦岱宗無補使臣才丹宸白髮頻回首惆

悵峰頭各一迴○**玉女池**玉女何年去名猶在水
濱雲疑畫眉客月似泚粧人風外聽鸞珮天邊憶
鳳輪不逢仙子降空拂鏡中塵

段頥言

御史
燕人

續夢登登十八盤忽訝空中行輪雲今

日跡竟夢昔年情松拱一天翠草生萬壑青

此聯
乃庚

子夢中
句也

山靈不我棄應許定斯盟

姜良翰

泰政金
華人

泰嶽

突岬中天起盤礴神

州數千里鳥道聯綿六六灣龍樓偃卷三千址隱
隱隆隆宿霧中錦屏飛瀑編羅綺絕壁高擎白玉

榆懸崖俯瞰青螺齒更有奇觀日觀東扶桑縹渺
烟波通晴霞蕩漾赤碼碯曉日震耀青芙蓉蓬壺
點點逼瑤席溟渤僅擬浮杯筒凌空不覺星辰遠
直跨罔象追鴻濛忽然驚雷起山麓電走星馳振
林谷須臾日沒宇宙傾萬頃風濤鬼神哭雲迷路
險不可登一步一迴愁折軸秦嶽何若堯亭亭阻
且遙秦皇宮闕烟雲迥漢武旌旗草莽彫英雄一
去豪華盡殘碑斷簡空寥寥我來近自崑崙北欲
向三山訪南極無端失脚墜皇州欲歸不歸長太

息亦有青城累石居胡麻飯冷舟鑪熄南郡苔荒
諸葛廬東山草蔓安公闕青壁瀉銀河山深長薜
蘿偶從征旆登天闕瓊仙玉女許經過未能擺脫
歸猿鎖且隨舞袖歌春和山河大地終然幻世事
悠悠何計了行植芝田十萬畦應須不負商山老
查秉燹順天府尹
海寧人登岱巖巖高插紫冥開青帝星辰
入望迴芳躅獨標宣聖楔瑤函空秘漢封臺天連
北極千山拱雲擁黃河一線來最是生平葵藿志
夜深日觀倚徘徊

孟洋

大理寺卿
信陽人

九日登泰山
泰嶽風高不可當
登臨

况復是重陽
杯傾下映滄溟色
帽仄平依北斗傍
魯甸風雲流野日
薊門鴻鴈入煙霜
雄圖盛節俱
陳跡城郭蕭蕭自八荒

羅洪先

狀元吉
水人

贈中丞朱鎮山
廵撫山東
青春瓊樹

麗彤庭玉斧登臺
鸞未星日近泰山
多曉色風行
東海少塵冥
得年不用移齊粟
考牧還聞頌魯駟
鎮撫正資清淨理
片言肯向蓋公聽

徐文通

泰議永
康人

岱宗紫氣騰空護
漢都山川杳藹入

看無乾坤忽合東溟注日月還臨北極扶山色歸
鴻淹客鬢清樽過雨對蓬壺凭高莫問前朝事帝
子不回空大夫

王世貞

侍郎吳郡人

登岱紺宇虛無岱色邊岿峩飛磴界

蒼烟峰迴嶂壑紛相拱石坼松蘿裊自懸
龍爭玉峽壁雲孤鷺拄青天平生故有崢嶸意識
爾應從太始前○翹首精神欲奮揚幾從開闔見
陰陽千崖忽敞中原日六月長飛使者霜在昔鈞
天青帝坐即今封地白雲鄉遠應五嶽都游徧乞

取安期火棗嘗。○奔崖瀑落擁晴雷。策石驅龍輦
道開。匹練天縈。具觀出金泥。日射漢封回。河流挾
兩俄。千帶海色。搖空僅一杯。莫向封壇論王氣。祇
應塵世有仙才。○尚憶秦松帝。彈留至今風雨未
全收。天門到瀉銀河水。日觀翻懸碧海流。欲轉千
盤迷積氣。誰從九點辯齊州。人間處處襄城轍。矯
首蒼茫迥自愁。○僕衣吾欲卧天門。中夜憑欄起
自論。半割乾坤懸對抱。低垂星斗亂堪捫。狂呼六
博仙人箸。渴問三漿玉女盃。為道崑崙更奇絕。還

從博望訪河源○壁立芙蓉萬古看削成松檜
高蓋中峰翠壓徂徠色絕頂青收碣石寒梁甫吟
成還自和茂陵書就欲誰干依微倘有吳閭在歌
向秋風問羽翰

李嵩

副使歸
德人

叨從登岱使者東登太乙壇雲從靄靄

漢衣冠九霄風動豺狐遠六月霜飛竺樹寒日觀
俯看人世隘天門北望帝廷寬省方獨有匡時
畧准擬皇圖與泰安

王遵

尚書比
平人

玉皇頂每嘆苦塵喧無由脫塵網絕頂

逐羣躋始知天地廣○日觀峰盪漾湧金鳥峇峇

破幽壤願將五夜觀天下同瞻仰○漢封臺岱宗

自古今武帝空赫赫鸞輿西入關苔蘚臺中碧○

玉女池生托黃帝室道匹昊天妹靈泉馮方池恍

忽鳴玉珮○秦斷碣霸業如流水雄圖似去雲誰

知煨燼後淪落復斯文○仙人橋絕澗架危橋不

見仙人度海上幾時迴空使昔人恭○捨身崖開

闢始天地人生孰不死所惜不在身崖下多豺豸

○白雲洞造化鍾靈竅玄洞深幾許不見青鸞回

但見白雲去。○十八盤少負青雲想。今上青雲梯。
一入天門裏。回首青雲低。○五大夫松。帝子去不
還。大夫空自立。日暮北風吹。時向沙丘泣。

李奉龍

改茶使
歷城人

懷泰山

域內名山有岱宗側身東望

一相從。河流挽挂天門樹。海色秋高日。觀峰金篋
何人探。漢策白雲千載護。秦封向來信。宿藤蘿外
秋底。西風萬壑鍾。○贈殷太史正甫登太山明堂
天子昔登壇。御道風流擁漢官。海色迴臨三觀動
春陰不散五松寒。白雲忽向封中出。玉牒誰從篋

裏看此日滿朝求禪草相如早晚入長安○上宮
春色自何年阿閣神房幾洞天臺裏定攜三秀草
懷中曾擬四愁篇射牛漢蹟今猶在繫馬吳門似
杳然七十二家論祀典還朝可奏聖人前○和魏
便君扶侍游太山中天詆蕩敞天門上帝樓臺拱
帝孫五馬並臨吳觀重諸峰獨讓夫人尊秦松忽
惜蒼顏駐海日遙銜紫氣屯可道黃河看似帶須
知西北是崑崙

李先芳

少卿漢州人

宗

十八聖高擁帝都但縱梁甫歌

日浮三島海鶴巢松遍五株欲草相如封禪瓊漢
家壇觀久荒蕪○岱宗絕頂玉皇祠雲起天門扶
屨遲漢時秦封行處是石閣瑤草至今疑日衛三
觀金銀闕天馮明河玉女池曉向虛空探海嶼扶
桑真見水中移

王紹元

御史金溪人

登岱岳

盡宮珠闕鬱嵯峨門倚青天

掛碧蘿鎖斷半山環日月望窮千里帶江河春壇
玉氣崇幽渺漢緯金書射太和 昭代聖王皆舜

禹喜無封事入山阿

稷應奎

左布政
餘姚人

脩岱廟視工拾級登登上秦岑萬峰

雖地白雲深調琴澗落天河水積翠臺分月樹陰
薄海縱觀同物興中台成位兩間心更賓日馭開
長夜獨倚高明望孔林

魏良賁

按察使
新建人

告岱即事杖策高尋玉女峰披雲始

見碧霞宮山含雨意嵐光動日射天門紫氣重絕
壁虛疑存漢蹟斷碑何處覓秦封憑高舉手運六
合宣父遺踪在眼中

楊宗氣

按察使
陝西人

登秦嶽巍巍秦嶽鎮齊東此日登臨

天地空西盡函關雲嶺直東來海渤曉霞紅秦碑
虛無凌霄上魯殿參差在眼中時有幽人騎白鹿
乘風便欲駕青驄

裴紳

提學副使
蒲州人

登秦嶽三十六盤何嶮巖曉來登眺

自忘疲眼看山頂疑無路身在雲端不自知羸氏
五松寧故物唐人千仞有磨碑古今興廢只常事
金簡玉函亦太奇

王教

副使
亭人

登秦嶽秦山之高何奇哉三十六盤路

紫迴金烏半夜海底浴碧桃千樹池邊栽秦松漢
栢供御帳金簡玉笈餘經臺瓣香春仲肅拜禮和
風晴日天門開

牟朝宗

副使賓州人

登泰山

岱宗奇峭倚天東冊府封題

禮數崇齊魯地偏形獨勝古今時異仰皆同荒臺
人指秦皇碣幽壑松蟠宋帝宮幾欲尋源渾未識
凭高萬里御長風

查秉鉞

評事海寧人

謁岱泰嶽巖巖夙有名獨看今日祐

神京潤流漕濟時聯艚領袖云亭近作悒霖雨崇

朝軍帝澤扶桑時日溥天明誰將兩腋成雙翅
飛上峰頭入太清

愈憲

泰蕩無錫人

泰山頂上

作

迥絕使人懼古今稱岱宗

溝塗分汶水丘垤俯群峰晴蓋時沾雨風雲屢盪
冒乾坤歸壯麗臺殿入春容指顧青齊小迴看鄒
魯重荒碑秦代蹟感時漢人蹤仰止訓初服登臨
逼晚鍾幸逢茶已日無復議東封

趙勳

僉事番西人

登日觀

月明道士靈巖來夜半重登封

禪臺銀漢中天看斗北金波浮影報暘回火山乍

見焚東海曦馭俄驚耀生台萬里朱光呈瑞氣赤
霞紅漲望中開

曹金

侍即祥符人

登岱

兩後朝暉靜嶽壇百年臨眺屬春

殘初經帝帳方壺曉漸入天門宇宙寬雙引管蕭
通玉闕徧尋封禪倚雲磐瑤臺古寺清尊晚看竹
吟風興未闌○霜節凌煙坐翠微脩然恍與世相
違數聲清磬飄何處幾片閑雲照客衣王女池連
春草動僊人鶴傍彩霞飛疊巖惟許山僧住一任
鶯花對落暉

項守禮

知府未化人

登嶽薰洞更衣入紫霄風吹柳帳起

松濤羊腸鴉背盤盤曲龍口天門節節高過化樓
前懷往哲登封臺上慨先朝何當拋却塵寰慮
興重來不憚勞

朱應奎

知府丹徒人

登泰山我昔曾過泰岳前未暇登眺

卽言還豈獨山靈笑我俗勝事相孤亦悵然今日
重來須縱目攬衣直上山之巔不妨舉手近天日
但教穩步渡雲烟天仙地迥碧霞繞日觀臺高紫
氣聯隱隱尤可辯岡嶺茫茫何處覓桑田身跡恍

如塵世外光景疑為混沌先更欲憑虛何所往人
生卽此是登仙

陳中

知府
陽人

遊泰山宿碧霞宮公館遊覽乘閒過岱

宗躋拳曲蹙幾千重未從絕頂耽清興已聽群山
度晚鍾寒夜暫將丹竈訪洞門詎許白雲封悠然
借宿石床月肯數華陽第二峰

劉重

按察使
唐縣人

岱嶽登望

嘗聞東嶽峻今上最高峰吳

楚蒼茫外燕齊指顧中罡風時振袂灑氣忽橫空
不道塵寰迥翻疑僊侶界通

王責齊人知登泰山祀帝布裘輿輕險絕能消半

日程漢栢秦松空伴跡孔登孟語此經行沿厓忍

見逃亡屋躡燈慚問怨懟蒼惟有七十二泉在願

言常潤汲 王明

呂頤登州知府陝西寧州人遙參亭舊名草叅若親叅叅亭人

共挹易草以遙名豈為投香紀還蕭謁禮誠碧簷

春日麗金棟曉雲輕瞻拜緣分牧臨風重感情

祖殿暫憇趨庭憶往日登覽廿年前宿兩青岩媚

光風白鳥翮橋危雲共度壁迥日相照羽蓋聊為

閩赤城列廣仙

曹大同

署丞通
州人

登岱嶽

宗嶽磴盤高造天翻從下界

見雲煙登封漢蹕餘風景表記秦碑空歲年絳節
香飄龍虎馭玄壇寒切丰牛纏微茫八表浮元氣
較似身遊太古前

周怡

司業宛
陵人

登泰山絕頂山頭上下界殊分大地瓊

瑤雪浪文崖壁蒼苔古蝌蚪松蘿紫氣日氤氲九
州星堊盡雙目萬里封疆只片雲到此方知天地
大超然身在列仙群

秦紹良

經州人

登秦岱岳曾聞天與齊振衣今始迷

攀躋白雲護洞龍初藝黃葉園山鳥正啼玄女宮
深連別嶼玉皇祠迥接層梯正慚落魄淹塵壒石
室清幽欲暫栖

乘風直上絕高巔回首層霄四望懸密樹霜中凋
欲盡群山天際斷仍連半生勝覽元非偶萬仞平
臨儼若僊舉目虛驚紅日近長安猶在暮雲邊

蘇本

前府經歷
濮州人

登秦岱岳嶙峋挿太空摳衣拄杖入

雲中五松樹老龍鱗古三觀峰高鳥道通勢逼星

垣傾宇宙青分齊魯失龜蒙只緣捧日丹霄上早
望扶桑碧海東

桑正衍

舉人濮州人

登泰攀雲上石盤澗壑從尋竒觀漢字

經沉水秦松帝拜官海光籠曉日嵐色護層巒隨
意凭虛眺乾坤眇一丸

蘇濂

軍昌府通判濮州人

登泰山二首嶙峋岱嶽通遠廬紫翠

芙蓉削太虛秦漢侈心餘時壘青徐平野到堦除
勺水扶桑明子夜五雲絕頂見宸居探囊但有遊
觀賦吮筆曾無到禪書

山梯斜日俯高臺石澗春泉響碧涼
巡狩翠華松自拱明禋遺跡至
常封掃雲客坐前峯月冒兩僧
歸下界鍾遊子襟期今稍適
飛仙環珮倘相逢

嚴盤

中秘濟南人

日觀峯

東望扶桑國茫茫海水泛波濤

插紫氣島嶼亂紅雲河漢星猶燦
乾坤畫已分大觀天盡處碣石獨為群

徐琳

運同莘亭人

登岱

崎嶇登岱岳長嘯思悠悠帶與河

流細杯同海色浮爐烟秦樹梟石檢
漢臺秋那得塵緣盡常隨白鹿遊

朱明時

華亭人

登岱

岱嶽

登臨

第一

峯

山靈

秀出

紫芙

容古碑猶有秦皇跡御輦曾來漢帝蹤
屈曲天門晴霧靄崔嵬日觀瑞烟濃
自慚邗得相如技敢謂才堪草禪封

楊時喬泰山詩

江右人

其一

黃蜺西堤汲水泉烹茶剖栗老頭禪射牛事遠惟
留石飲馬人非只筭年爍燭朗然能溥照寶藏如
許久無傳投書漱玉多塵跡峻閣飛湍祇共憐

其二

兩株鬱鬱大夫松秦封無用改周封雪霜各自凌
空傲草木何能取世容直幹只今巢白鶴嫩條猶
未作蒼龍前山處士非高尚粧點從人口耳中

其三

山頂清泚玉女池池頭亦擁李斯碑池開一鑑分
寒燠碑落重簷半合離玉女回身化雲雨李斯遺
事竟披擲閑遊無用頻留慨大小龍岡草色裏

其四

登泰從卑逐步高處高視下始非勞霸畝自徃多
荊棘心學干今亦土蒿繫練吳門幾讖語援琴卹
野亦人豪此時苛政曾如虎歌出梁山隱楚騷

其五

王者明堂在此中省方觀俗久來同侈心不柰秦
風競衰運難回周轍東田去汝陽猶自反井分滕
野竟無功蓋茅通水洪荒政玉帶名言未有從

山四首巡撫太倉人

上帝高居接大羅，百靈呵護日鳴珂。
藉文賸有秦人筆，古栢猶存漢武柯。
一自神峰連海嶠，却疑支石瀉銀河。
相從欲挂盧敖杖，丹竈雲烟冷碧阿。

攀蘿絕磴望三齊，洞口雲深去路迷。
海角日痕千尺線，天門曉刻一聲鷄。
露盤仙掌蹇銅柱，月峴靈根駕彩霓。
五色文成聊展翰，峰頭的爍照青藜。

架壑飛凌復道斜，迴旋百折石抽牙。
雲中鳳輦過黃現，天上鸞簫近碧霞。
五嶽會元藏帝籙，千秋泰

六王纔畢國凌夷望氣芒碭色色奇天意不留秦
一字而今休榻李斯碑

壯士何來擊副車空餘石碣轉欹歔登封盛事無
人述製得碑文尚未書

朝陽洞二首

朝瞰雲脚懸湏臾電光出纔報五更鐘已見峰頭
日

雲根鑿一竅石罅通萬靈白雲任去來洞門常不
高

孔子小天下處

置身最高處扶輿開廣廈入眼既空明橫襟亦瀟灑
灑山川在几席滄海入尊犖洪濛恍閣闕陰陽本
陶冶浮沉看飛鳶氤氳驟野馬萬峰若飛迎大塊
如倒寫廣漠測地遙平明見天馮瞻彼陳蔡墟迴
翔齊楚野于焉發玄想因而小天下

暴經石

大石橫一畝平鋪展于一孰是若工磨安排暴書
帙未有斧琢痕盡以去塊壘滴灑水簾洞斬夕蒸

流瀉石臼急如春浮罇亦常溢一勺供洗硯墨雲
深染漆東西三兩峰斜飛似點筆口誦金剛經手
操銀不律鳥跡混草書蘭毫妙著述諸天擁法輪
徧揭波羅蜜松火日煨煉苔痕半剝黝依微莫能
辨鑄銘窈然失不如無字碑乃以存其質西徧百
尺巖標題尚可悉孤亭側其下四敞開石室鳴絃
在其中音嚮更超逸曠焉發清籟吾亦自調瑟

登岱嶽四首

夫人之峯高狎天芙蓉倒挿凌蒼烟翠盤玉露瀟

仙掌洪爐金液開青蓮
秦時相傳七代秦碑獨
立三千年登封臺上日
亭午我來欲控羲和鞭

其二

夕暄朝暎一望收海天空
渺思悠悠陰晴雨雪須
史事齊魯燕吳萬里昨
今古河山看代禪等閒
松栢紀春秋 冲皇正值
中興日宮闕雲開十二
樓

其三

青帝宮隨斗柄春碧幢
寶蓋維勾陳遙連北海
長迎氣不許東山一效
顰其堂上雲封猶是漢
樹頭風

雨却疑秦鴈迴絕巔夕陽下獨向峯前酒數巡

其四

一索青曦太極分潭濛闔闢自氤氲丹心欲映滄
溟日浩氣能開岱嶽雲左輔朝元擎萬笏中樞獨
座擁千軍侍臣正擬河清頌不用甘泉泰畤文泰

昌九月河清併紀之

明堂

趕朝岳牧儼班行上代奎輿歲省方霸國尚然依
泰岱宗周無復剩明堂東臯樵牧尋荒址大陸風

雲入渺茫鳥跡甚痕述斷碣清泉一鉢詠滄浪

泰陰碑

碧霞高映擁雲車洞府清虛近帝居何事泰陰
藏石碣却緣鴟尾有天書香浮龍氣前朝墨筆走
科文章聖餘汴宋園陵無處覓獨留御製敞庭
除